

新修江寧府志卷之八

古蹟

自班固作漢書地理志云采獲舊聞考跡詩書故考古者貴得其迹矣江寧自六代以來名勝所畱較他郡為最但年遠事湮後之志紀蓋有如顏監所云安處附會頗失其真者矣今采諸史傳記擇書其可信者其有異說及所辨論分注其下以備博聞作古蹟志

臺城在上元縣治北本吳秣陵晉建業故城址晉元渡江因修居之世說載王丞相營建康或於舊城稍加增擴焉魏晉謂天子所居禁省為臺故遂名為臺城當時

新修江寧府志

卷之八

古蹟

一

草創江東粗為宮衛不備都城之制故其所立門用西京宮掖之舊名又不設立城門校尉蓋以備制江外無故都之思斯為足耻王丞相遠指牛首不立雙闕特其託辭耳蓋其旨猶以臺城之居為暫託也及謝太傅於孝武時改建宮室略備制度逮宋齊以後臺城固為都城矣

所謂臺城當北倚山岡外為苑苑外為湖今北極閣雞鳴寺正是其北城所屆故雞鳴寺東猶存一段古城城下有門俗曰臺城門此殊不誤意即北掖門矣其宮城之西北為華林園中有景陽山其前路有非城門也臺城右為石頭城其左東府城兩城據地蓋不多故世說載會稽王繞東府城行散也兩城皆前臨淮而淮流又曲遠石頭城西入江六朝凡兵自南來者先取石頭東府乃後取臺城惟自京口來者直先取臺城矣宋武帝崔慧景賀若弼之師皆自京口南取

城而武帝慧景行蔣山之北今姚坊門路也賀若弼行蔣山之南今麒麟門路也

石頭城在上元縣西今俗呼鬼臉城蓋古城之西面也

吳志裴注張紘傳引江表傳張紘語秣陵楚威王置名

曰金陵秦始皇改名秣陵世說注引丹楊記曰石頭城

吳時土塢後因山加甃因江為池地形最為險固又劉

孝標以此為漢以前秣陵治注詳後建康實錄引輿地志

曰吳時江在石頭下為險要必爭之地南北戰伐咸據

此為勝負城亦名石首見梁武紀按西州城即石頭城

居此其都督揚州及三公諸將軍則有府故有東府西

州之稱統兵理民州任最要故謝太傅亦居石頭州廡

同三司兼揚州刺史故即州廡為府意猶王文獻謝文

新修江寧府志

卷之八

古蹟

二

靖之舊制矣

冶城在上元縣治西世說注引丹楊記曰丹楊冶城去

宮三里吳時鼓鑄之所吳平猶不廢王茂宏所治也或

云即今朝天宮是其遺址按六朝每有寇攻但云守石

頭石頭城南及淮水然則石頭冶城始或有分而修築

石頭者卒包冶城於其內矣晉書戴洋傳王導遇病洋

石頭立冶金火相爍故受害耳導即移居東府病遂差

世說注引王隱晉書導呼冶令奔遜使啓鎮東徙今東

治是也按東治見三國志不始於此王丞相之東府非

即琅邪王之東府但移治移居兩說各異語皆荒誕姑

兩存之石頭之西臨淮水有急則兩岸為柵斷之以扼

水師故稱雙岸法帖王僧虔啓二岸雜事悉命臣判謝

靈運征賦次石頭之雙岸是也雙岸所夾之淮乃是秦

淮將入江處古石頭半臨江上故史屢載有江濤入城

之事今則江去城已遠矣又世說注載丹楊記曰孫權築冶城爲鼓鑄之所既立石頭大塢不容近立此小城當是徙縣治空城而置治耳治城疑是金陵本治漢高六年令天下城縣邑不容秣陵獨無也按此蓋劉孝標意以石頭治城爲一卽吳以前金陵治所耳

東府城在臺城東南世說注引丹楊記東府城西有簡文爲會稽王時第東則孝文王道子府道子領揚州仍居先舍故俗稱東府按揚州廡在石頭城時人以道子爲刺史不居州廡而居東故號東府其後多爲親王之居東府石頭皆有城爲臺城南蔽故凡有攻寇戰伐悉據二城也舊志謂今通濟門左右是其地理當近之臺城東府石頭據地皆不甚大六朝太子宮及士大夫所居丹楊尹建康令廡皆在臺城外故梁武紀圍六門東昏悉驅營署官府入城也

新修江寧府志

卷之八

古蹟

三

越城一名范蠡城在江寧縣南劉淵林吳都賦注建業南五里有大長千小長千大長千在越城東小長千在越城西或謂今報恩寺前江寧縣丞廡卽其址俗呼爲越臺六朝交兵在南者每據此爲要地故盧循之來衆軍修治越城也

丹楊郡城漢丹楊太守不居秣陵居宛陵至晉太康故丹楊郡治建業及元帝旣居臺城於是移郡治於淮水之外宋武帝紀盧循焚查浦而至張侯橋進屯丹楊郡

梁侯景傳景至朱雀航蕭正德先屯丹楊郡至是率所部與景合度其形勢當在長千里今南門外地

建業縣城即臺城魏晉間或曰金陵或曰秣陵或曰建

康皆更名而不更治及太康分水北為建業仍治此城

及元帝以為臺城而建康令廨乃移在城外寰宇記初置在宣陽

門內古御街東蘇峻之亂被焚移入苑城咸和六年以苑城為宮乃徙出宣陽門外今未知所本何書

秣陵城宋書志云本治去京邑六十里今故治村是也

晉安帝義熙四年移治京邑在鬪場在今大教場地本

移郊壇於牛頭山此地遂廢屢閱武於此恭帝元熙元年宋前後兩廢帝皆葬秣陵縣東郊壇西

年省揚州禁防叅軍縣移治其處陶按此未詳所在晉書

新修江寧府志

卷之八

古蹟

四

謂庾亮峻知石頭有重戍不敢直下必向小丹陽南道步來峻果由小丹陽經秣陵故城又於秣陵故城東南立紹泰二年齊兵至秣陵及此所云故城皆在臺城東南橋柵按回傳所云秣陵及此所云故城皆在臺城東南今秣陵關地也南史宋武帝紀廢晉恭帝為零陵王宮於秣陵似亦指此地若吳之秣陵改為建業者治在其北六朝所謂臺城也晉復置之秣陵治在東南淮水外其後又移西南故謂此在東南者為故城即宋志所指故治村也梁末齊師于紹泰元年來侵本自姑孰沿江岸至石頭迄其敗還次小丹陽路行今雲臺山列兵不可過故城循方山之西遶出鍾山之東北則梁石頭以南秣陵故城循方山之西遶出鍾山之東北則梁也陳文育之歸畱船蕪湖由丹陽步兵之道與蘇峻同道所行之路明太祖自太湖

金城即前琅邪城亦名宣武城晉初渡江僑立琅邪郡所治城也桓温始為琅邪內史居之故後以其諡名城

曰宣武在上元東北金陵鄉地名金城戍卽其地宋書地志及景定志引王隱晉書山謙之南徐州記皆云江乘南岸蒲洲津有金城卽晉琅邪城世說桓公經金城見昔爲琅邪時所種柳卽此

後琅邪城一名白下城齊書地志琅邪本治金城永明移治白下今上元縣西北神策門外之石灰山下當是

其地輿地志云白下本江乘之白石壘齊武帝以其依

帶江山移琅邪郡居之

晉書蘇峻傳温嶠既至乃築壘于白石庾亮傳云以二千人

守白石壘齊書武紀永明七年駕幸琅邪城講武卽劉係宗傳所修治之白下城故曰係宗爲國家得此一城

臨沂縣齊書地志屬南琅邪郡隋志云舊曰卽邱帶郡

新修江寧府志

卷之八

古蹟

五

宋明紀葬臨沂縣莫府山其縣治之城疑卽琅邪郡城

晉元置陽都縣宋大明中省入臨沂

湖孰城元和郡國志在舊江寧縣東南七十里

今上元東南丹

陽鄉有湖孰鎮

懷德縣治在上元縣北晉元帝紀太興三年立懷德縣

以處琅邪國人景定志引山謙之南徐州記懷德縣寄

建康北境又置琅邪郡割潮溝爲界陳亾廢宋石邁古

蹟編費縣與琅邪分界於潮溝村今上元北鍾山鄉

建康

實錄云懷德縣後改曰費宋元嘉省入臨沂建康按齊志猶有懷德縣屬臨江郡隋志有費縣屬琅邪郡雖建

省不常大抵總在東北境實錄言在宮城南七里非矣

同夏縣城建康實錄云梁武生於同夏里大同三年置縣因城焉胡三省通鑑注梁武以三橋舊宅爲光宅寺在同夏里按王荆公詩今知光宅寺牛首正當門又云翛然光宅淮之陰則同夏城當在淮水之南或云今周處臺下舊有光宅寺乃梁武舊居六朝士大夫家多居此又名南岡梁武評書南岡士大夫徒尚風軌沈慶之詩徒步歸南岡卽此今名花盞岡

古江寧縣治晉宋二志皆云太康分建業置臨江更名江寧其地當卽今江寧鎮

白下縣城卽南琅邪郡古白石壘舊址唐書地志武德七年罷金陵縣築此城因其舊名曰白下縣貞觀七年

新修江寧府志

卷之八

古蹟

六

復舊治卽上元縣此城廢

蔣州治卽石頭城隋志自東晉以後置曰揚州平陳詔並平蕩耕墾更石頭城置蔣州唐武德七年輔公柝據

江東用爲揚州李孝恭平公柝又于城置揚州大都督

府後徙揚州於廣陵此城遂廢漢揚州刺史治壽春劉繇避袁術徙治曲阿晉

西州隋蔣州唐改揚州旋廢者皆石頭城別無所爲古揚州城也宋元舊志有古揚州城寰宇記云古揚州城

後漢因之不改殊爲謬妄矣

南唐昇州治城唐書地志乾元元年以江寧郡隋置改置

昇州上元二年廢爲上元縣僖宗光啓還爲昇州此皆

古石頭也南唐書烈祖紀十一年城昇州十四年城成

溫來觀喜其制度壯麗徙治焉武義二年改金陵府後
又改爲江寧府既建都改爲都城十國春秋注引鳳皇
臺記事六朝舊城近覆舟山去秦淮北五里至楊吳改
築跨秦淮南北周迴二十五里建宮城於天津橋北上今
元縣治盧妃巷鍾山書院一帶地皆南唐宮址度其形勢南止於長千橋北至
北門橋西帶冶城石頭東止於通濟門處

宋建康府城卽南唐都城府治卽南唐宮城景定志開
寶剋復昇州城郭皆因其舊紹興三年高宗駐蹕仍以

府治爲行宮景定志云卽舊子城基增築皇城周四里南門正對天津橋東門對後軍教場城上有看教樓日華樓西門對江寧縣前大街有月華樓東西有待漏院及闕亭按宋江寧縣在西北朝天宮東北

新修江寧府志

卷之八

古蹟

七

門橋西南徙府治於東繡錦坊在今舊王府地元爲御史臺

明初爲吳王府也

明舊紫禁城卽今駐防城其西華門迄通濟門爲

國朝改築餘詳明故宮

江乘縣城在上元東北江乘村攝山一帶是其舊治隋
平陳城廢括地志云在句容北

句容故縣九域志在江寧府東九十里一統志云有南
城在縣南五里又有北城在縣北八里

棠邑故城在六合縣北晉秦郡城宋齊臨江郡城隋方
州郡城皆跨滁水南北餘見城池志六合縣城

瓜步城在六合縣瓜步山側齊書地志建元初徙齊郡
治瓜步四年移鎮朐山後復舊永明元年罷秦郡并之
治瓜步陳宣帝紀瓜步胡墅二城降

瓦梁城在六合縣西隋書志云齊置瓦梁郡陳廢

古固城在高淳縣南三十里笠澤叢書云溧水昔為平
陵縣縣南有平陵城即吳固城所改也舊載滕公廟記
以為吳瀨渚縣似屬虛妄不可信

開化城寰宇記云即溧水舊治舊志云開化在高淳南五十里

臨滁廢郡在江浦縣隋志云舊日頓邱開皇改為滁州
郡廢十八年改為清流明初割屬江浦有東葛城在今

新修江寧府志

卷之八

古蹟

八

江浦縣東北三十五里西葛城在縣西北四十里按舊
說為葛伯所居似未可信

新亭城即新亭壘在府城西南十五里六朝時近江渚
處乃南來取臺城要道齊武帝所謂新亭既是兵衝者
也宋元凶邵亂柳元景至新亭依山築壘桂陽王休範
舉兵尋陽齊武出頓新亭築壘東昏紀曰李居士屯新

亭城自石頭南上十里至查浦自查浦上十里至新亭

朝江在石頭下洲渚迴伏形勢與今既渺吳都賦註所計之里今不可知大約在大勝關處是也按壘

即城也蓋小為營壘以屯兵眾亦可謂之城但非郡縣

之城耳如藥園壘

宋武帝紀盧循迴泊蔡州衆軍修治越城築查浦藥園廷尉三壘舊說藥

籬高帝時有發白虎尊言白門三重門竹籬穿不全帝
感言言為立都牆通鑑晉明紀胡三省注晉都建康外
城環之以籬諸門皆用洛京舊名宣陽在城南
面約當在今上元縣後盧妃巷裕民坊左近
按臺城

史傳屢稱六門所謂六門者南曰大司馬門一曰南掖

門此是城門故侯景得燒之後漢百官志宮掖門每門
司馬一人故凡宮掖門皆謂之司馬門矣元帝草創

江東粗為宮衛不備都城之制故名同西京之宮掖梁
楊公則傳屯領軍府壘北樓與南掖門相對城中縱神

鋒弩射之城平城內出者或被劫奪
公則列陣東掖門衛送公卿士庶以出
北曰北掖門一

曰廣莫門直樂游苑元武湖宋文紀新作閻闔廣莫東

曰東掖門西曰西掖門晉及宋初但有四門而已宋文

元嘉時於臺城開萬春千秋二門蓋在東西二掖之北

是為六門千秋門一曰昌平門按臺城六門此宋齊舊制及梁天監十年開二道竊疑開二道則亦

新修江寧府志 卷之八 古蹟 十

啓二門疑梁時於司馬門之東西不作東華西華門觀侯
景傳帝令與景盟者出西華門是西華門也然

則梁元帝所云六門之內自極兵威
此沿舊語稱之實則梁則八門矣
六門之內南有端

門有閻闔門宋孝武紀大明五年立馳道自閻闔北有

承明門東有雲龍門臺城西為華林園等處尋常人不
得至此其羣臣入朝及入華林園

者皆由東掖雲龍而進也故劉湛謝朓傅亮等傳皆云
入雲龍門至華林園南史鬱林王紀由尚書省入雲龍

門宋書禮志開東中華雲
龍門引伏為小駕鹵簿
西有神虎門神獸或書神武

陶宏景傳永明十年脫朝
服掛神虎門上表辭祿
此內則宮禁矣六門之外南

有宣陽又南有朱雀門此皆不連城但立當道之門以

為啓閉史傳所載有西明門宋書徐羨之傳武帝思羨
從已步出清明門建陽門晉書劉默屯建陽門淮口內外

西明門矣

錄云正東曰建春後改曰建陽宋謝莊宣貴妃之類皆

誅經建春而右轉梁呂僧珍傳宅在建陽門

當道門也又六朝雖無都城而或設竹籬以為藩蔽景

定建康志引宮苑記舊京邑南北兩岸籬門五十六所

蓋京邑之郊門也藩籬設門其功既易或遠或近事可

數重王儉傳六門城設竹籬此去城尚近齊永明所立

都牆蓋略依此籬若宮苑記所言五十六所則其去臺

城彌遠矣齊高紀王瑩屯北籬門迤三橋敬帝紀齊軍進

屯兒塘帝輿駕出頓趙建故籬又有鳳莊門南史謝朓

嘗敕朓與謝鳳子徽明門見東皆宮殿門也傳宋明帝

超宗從鳳莊門入

國門梁武紀天監七年作國門於越城南或謂在高座

寺東南此皆無城但有門

望國門梁羊侃傳令侃屯望國門侃行至新林追侃入

則望國門更在新林之南矣

石闕文選注引丹陽記曰大興中議立雙闕王茂宏不

肯厥後陪乘出宣陽門望牛頭山兩峰曰此天闕也豈

煩改作梁武紀天監七年作神龍仁虎二闕於端門大

司馬門外陸倕為銘載文選

白下門李白詩驛亭三楊樹正當白下門王安石詩東

門白下亭宋周輝清波雜志輝居建康時偕一二鄰曲

至白下門齊安院金陵新志齊安院本名淨妙寺在城東門外四里面秦淮按宋元府城夾

新修江寧府志

卷之八

古蹟

十一

淮帶江當今江寧西南上元以北地明時建城始即舊東門處截濠爲城開拓八里東南建通濟門東門外蓋當今駐防城處

明紫禁城門詳明故宮

明外郭門明史地志洪武二十三年四月建周一百八十里門有十六東曰姚坊仙鶴麒麟滄波高橋雙橋南曰上方夾岡大駟象大安德小安德西曰江東北曰佛寧上元觀音今門闕俱存疑六朝所謂宣陽等門蓋亦如此云

古御街自大司馬門至朱雀門爲御街史或亦稱御路亦稱御道陳高紀御路見龍跡自大社至象闕亘三四

新修江寧府志

卷之八

古蹟

十二

里是也

南唐御街自天津橋至南門諸司庶府拱夾左右

古大市今上元縣右有大市橋疑即其地也南史陳徐

度傳任約徐嗣徽據石頭高祖以市廛居民並在南路

去臺遙遠恐爲所乘命度鎮冶城築壘以斷之以此知

六朝市廛在臺城之南冶城之東及隋平陳詔平蕩耕

墾六朝遺跡蕩然矣南唐建都復稱繁麗潘美下江南

殘燬過半宋初建康居人皆竹屋想見市朝之變興廢

不恒今難悉知矣考古時有小市在宣陽門外見北市

南市隋食貨志陳時淮水北有大市十餘所紗市草市

通典梁時有太市南市北市令及丞

未詳金陵新志云晉咸和置七尉右尉在紗苑市在苑城南尉在草市江總南還尋草市宅是也苑市在苑城疑
即東昏清化市銀行宋名銀行街在御街之右金花行
所置市宋名銀行街在御街之右金花行
宋名花行街在府治右宋府治珠市今內橋西珠寶又
在東錦繡坊疑今花市當是珠市明呼珠市

金陵志云鎮淮橋新橋笪橋皆古市也按今猶稱

察戰巷今不詳何處吳志注云察戰吳官號今揚都有
察戰巷

烏衣巷世說注引丹陽記烏衣之起吳時烏衣營處也
南史王儉傳王氏分枝居烏衣者位宦微減晉紀江左
初立琅邪諸王居烏衣巷景定志秦淮南長干寺北有
小巷曰烏衣或云今南門橋東南剪子巷至武定文德

新修江寧府志

卷之八

古蹟

十三

橋南一帶皆是

馬糞巷今不詳何處南史王志傳居建康禁中里馬糞
巷父僧虔門風寬恕時人號馬糞諸王爲長者

運巷宋書沈約自序王父從官京師高祖賜館都亭里
之運巷元戚光云當臨運瀆詳山水志

青楊巷今不詳何處南史齊始興王鑑傳上爲南康王
子琳起青楊巷第金陵新志引異苑云檀道濟居青楊
巷是吳步闡所居諺云揚州青是鬼營自步及檀皆被
誅辨見皂莢橋下

白楊巷今不詳何處大約在東府城西今通濟門左右

南史袁愨孫傳步屨白楊郊野遇一士大夫便呼與酣飲又陳始興王叔琳傳自小航即驃騎航在朱雀東欲趣新林以舟艦入北行至白楊路爲臺軍所邀新安王伯固見兵至旋避入巷

國子監巷金陵新志南唐瀕淮開國子監俗呼爲國子監巷又呼草巷按今縣學宮卽南唐國子監址巷當在其地

王府巷今朝天宮東下街口閃駕橋北舊爲龍翔寺址寺卽元文宗藩府王府巷卽寺傍之巷人知以此得名不知其先本南唐皇甫暉第宅名皇甫巷暉與姚鳳守

新修江寧府志

卷之八

古蹟

十四

滁之清流關爲宋太祖所禽不屈死其子逃歸貪殘淫虐民毀其居元時建爲藩府去冶亭最近按龍翔寺洪武時燬改建

城外名天界寺

東錦繡坊在南唐御街東今內橋東舊王府一帶地是也

西錦繡坊在南唐御街西今江寧府治後街是也

大功坊金陵瑣事云明太祖以魏國勳業非常於居第左右特各建坊以旌異之卽今布政使司署左右是也

金陵新志云乾道志所載四廂二十坊慶元志所載六朝及唐里名有與乾道同者蓋坊卽里也按古坊如翔鸞碧鷄等名今皆不能考其地之所在故概不錄云

鷄鶩坊洪武門外由明天地壇後東行里許折而北爲鷄鶩坊犧牲所蓋畜以供大祀者有官主之

國初廢

鍼功坊

今名針巷

在舊王府左洞神宮後

長千里在今聚寶門外劉淵林吳都賦注建業南五里有山岡其間平地吏民雜居有大長千小長千韓詩云考槃在於地下而廣曰千

青溪里今督署後有青溪里巷想當爲青溪經過處鬪場里疑卽今正陽門外東南大教場地詳見下郊壇

同夏里在淮水之南詳同夏縣

鳳凰里

見南史宋武紀卽今鳳凰

新修江寧府志

卷之八

古蹟

十五

臺地

都亭里

未詳

禁中里

未詳

今皆無考

晉南郊壇元帝紀太興三年從司徒荀組議立郊邱於建康城之巳地以未有北郊並地祇合祭之宋書禮志晉民過江悉在北南出道狹未議開闡遂於東南巳地立丘壇皇宋受命因而未改孝武紀大明三年移南郊壇於牛頭山以正陽位舊壇旣廢屢爲閱武之所卽鬪場也宋前後兩廢帝皆葬此今正陽門外東南大教場當卽其址

晉北郊壇晉書禮志成帝咸和八年於覆舟山南立北

郊宋書志武帝以其地爲樂游苑移於山西北後以其地爲北湖移於湖塘西北其地下濕又移於白石村東後又以其地爲東湖乃移於鍾山北後罷白石還舊處文帝紀嘗立儒學館閱武於此社稷壇晉書禮志元帝建武元年依洛京立二社一稷宋齊二志皆未言地之所在王僧綽傳言宅在大社西亦不知社在何地

明堂宋孝武紀大明五年起明堂於國學南丙巳之地禮志云牆宇規範擬則太廟今不詳

方明壇陳宣帝紀大建十年立方明壇於婁湖輿駕幸

新修江寧府志

卷之八

古蹟

十六

婁湖臨誓當在今駐防城東南詳見婁湖苑及張昭宅藉唐史屢記耕籍不詳其地梁武紀普通三年作二郊及藉田並畢頒賜工匠

宋建康府社壇慶元元年畱守張杓移置秦淮南

南唐南北郊壇陸游南唐書昇元三年作南郊行宮千間又作北郊於元武湖西或云牛頭山有廢宮址卽南唐郊宮也

明天地壇在洪武門外今駐防城南正陽門外壇制闕四門繚以朱垣內復爲垣上爲大祀殿前爲齋宮大垣之右列神樂觀樂舞禮生在內設犧牲所養犧牲於內

今廢

神樂觀在今駐防城正陽門東南爲郊廟大祀習樂之所下有醴泉亭相傳洪武時大樂成井中出醴三日故建亭以覆之觀東卽天地壇今廢

晉太廟元帝渡江郭璞卜置太廟在御路之東淮水之西與臺城遠孝武欲改建於宣陽門內王珣以爲龜筮弗可違乃於舊地更開牆埤後俱因之見建康實錄
國學建康實錄引輿地志晉咸康三年立太學在秦淮水南對東府城南小航道西廢丹陽郡城東又國學在江寧縣東南二里古御街東東逼淮水西有夫子堂門

新修江寧府志

卷之八

古蹟

十七

外有祭酒省博士省按此輿地志所言蓋舊國學遭兵火燬壞晉孝武帝太元十年謝尚興復國學乃建於太廟之南淮水之北也古官所皆曰省沈約有學省愁臥詩

宣聖廟建康實錄太元十一年立仲尼廟在故丹陽郡城前路東南又引輿地志齊移廟過淮水北蔣山置之以其舊處立孔子寺在今縣東南五里

臨江驛舊說臨江舊縣因以名驛卽故江寧縣也岑參詩古戍依重險高樓見五涼山根盤驛道河水浸城牆疑在城西北今不可考

石頭驛在石頭城唐張九齡有候使石頭驛樓詩李白有答裴侍御光行至石頭驛詩

金陵驛舊云在上元長樂鄉

六峯驛在六合縣北門內對定山六峯

烏桕村景定志引圖經云初立西州城未有籬門但立烏桕遂以名村

杏花邨在城南新橋西信府河鳳凰臺一帶皆是明代士大夫園亭多在此寰宇記謂卽杜牧之沽酒處陋甚鷄鳴埭齊武帝於六代之君始爲奢侈永明中宮女萬餘人帝數幸琅邪爲獵夜發官中曉至元武湖北因有

新修江寧府志

卷之八

古蹟

十八

鷄鳴埭之稱焉明時有鷄鳴寺之名今人乃誤謂卽鷄鳴埭不悟埭在湖北今寺乃在湖南埭蓋略當今邁高橋左右

南埭王安石贈段約詩聞君更欲通南埭割取鍾山一半青在宋府治東北詳見江總宅割青亭

雨花臺在聚寶門外梅岡上梁武時雲光法師講經於此致天雨花故名詳高座寺

孝侯臺在南門飲虹橋東抵城處接赤石磯徐溫築城時猶全明祖開拓城垣遂劈其半於城外今城內半阜有小庵內有古柏已槁惟向上一枝獨青相傳千年物

也吏或建臺以存古蹟於石觀音庵後接以崇垣中構高臺立周侯像居民業機杼者朔望祠祀蓋訛處爲杼也

鳳凰臺今在南門內新橋西宋元嘉十六年秣陵王覬見三異鳥文彩五色時謂之鳳乃置鳳凰里起臺於山觀象臺元至正元年建明政爲欽天臺劉樹聲云幼時猶見有小方銅架中插方柱近丈爲量天尺又有大方銅架懸渾球又有矮銅架鎖斷足銅龍謂此龍嘗踰城至後湖飲水遂斷足而鎖之後移至府堂尋進入京師臺西卽北極閣前祀眞武大帝由閣西爲保泰街又

新修江寧府志

卷之八

古蹟

十九

西爲倒鐘廠

施食臺在成賢街北鷄鳴寺前石表高揭爲宋金華書相傳地爲古戰場元時刑人於此嘗有陰魅崇人明洪武初建鷄鳴寺及國學卽今府學於此以鎮之敕迎西番僧

惺吉堅藏等七人結壇施食以度幽靈

或云國學成制度宏麗孝慈皇

后欲一觀之以翟車不便幸學乃建此臺以備臨眺按如此說施食之義何取或建臺在前而施食在後或孝慈嘗卽登此臺皆未可知姑識於此

義臺在句容縣治正南儒學前舊志云唐貞元五年敕建表章孝子張常有廬墓處今明倫堂後有千栢廊昔有栢樹千株故名

木穉臺在高淳縣南二十五里相傳宋時有王小山者
僑寓於此所植花開五色芬香異常明洪武間取以供
御後以中使橫暴齊奏罷之

景陽井一曰胭脂井一曰辱井今在鷄鳴寺前施食臺
後世謂卽陳後主與張麗華孔貴嬪避兵處事見後主
本紀相傳井闌上以手拭之作胭脂色故名按俗以此
井爲卽古井非也

謝公墩在冶城之西今朝天宮鐵塔寺與墩相接世說
王右軍與謝太傅共登冶城謝悠然遠想有高世之志
故名謝靈運征賊視冶城而北屬懷文獻之悠然指此

新修江寧府志

卷之八

古蹟

二十

李白登冶城謝公墩詩冶城訪古蹟猶有謝公墩據此
墩在城西甚明自王安石作詩於是城東又有一謝公
墩按謝公思會稽東山於城東築土以擬之名土山立
樓館植林竹甚盛沈約郊居賦臨巽維而聘目卽堆冢
而流盼雖茲山之培塿乃文靖之所宴然則荆公所指
乃謂土山其地正與半山宅寺相當故云我屋公墩也
及明太祖築城劈墩之半以爲城基今憑堞望之孝陵
石獸在其下城內未盡之墩苔石疊翠較冶城尤勝云

墩之西北有海子荒原老樹古屋無
鄰爲叢霄道院今有額曰天王廟

桃葉渡古建康北江中之洲其形甚長殆可百里故北

來之兵自大岷至江不能逕渡南岸必須西上歷陽至采石方得過江惟陳之亾韓擒虎賀若弼旣破陳矣晉王廣乃自六合鎮桃葉山乘陳船而渡蓋渡至洲上又有陳船相接故可至南岸桃葉渡由此而名

事見南史陳後主紀

明景泰中有崑山沈愚過桃葉渡詩云江花含笑欲爭春江水籠烟柳色新商女停舟唱桃葉東風愁殺渡江人是明代猶知江渡曰桃葉渡也宋人乃以目秦淮水上之渡直謂王獻之渡桃葉處處虛妄不足信矣五馬渡當在莫府山前今不可考卽晉元帝與彭城王等渡江處當時有五馬浮渡江一馬化爲龍之謠後人

新修江寧府志

卷之八

古蹟

二十一

因建化龍亭於其地

麾扇渡舊說在今鎮淮橋側晉陳敏據建業臨大航岸顧榮以白羽扇麾之敏軍自潰事見榮本傳

竹格渡晉明紀沈充錢鳳從竹格渚渡秦淮在城西南其側卽謝尚宅捨爲莊嚴寺改謝鎮西寺者

五城渡在倪塘卽王含五城唐陸彥恭建渡於其處名五城渡舊說在柵塘非按王含五城於史不見以本傳先敗于越城後復率衆渡淮證之亦當在淮水南蓋柵塘在北兒塘在南當方山下陳高紀齊軍自方山進及兒塘宋武帝出會劉毅於此是也

禪靈渚渡當古禪靈寺前今陡門橋地是也

邀笛步卽王徽之泊舟青溪邀桓伊吹笛處

事見伊本傳今

在竹橋側

橫塘一曰南塘吳都賦橫塘查下邑屋隆夸長千延屬飛薨外五吳時自江口沿淮築堤謂之橫塘北接柵塘金陵鼎族聚居於此亦曰南岡通鑑晉明紀沈充錢鳳至宣陽門拔柵欲戰蘇峻等自南塘橫擊大敗之注云秦淮南塘岸也

柵塘通鑑晉明紀顧颺說沈充曰今若決破柵塘因湖水以灌京邑注云卽元武湖水也按其後侯景果用此

新修江寧府志

卷之八

古蹟

二十一

水以陷臺城柵塘當卽湖塘在北也

青塘陳後主紀羣鼠無數自蔡州岸

石頭西岸

入石頭渡淮

至於青塘兩岸梁韋粲傳頓青塘又曰青塘立柵迫近淮渚

兒塘在方山下已見上

汝南灣景定志云在城東八里當秦淮曲折處又引六朝事跡謂齊陸慧曉張融居處本晉汝南王宅按南史

無汝南灣之說

桐樹灣今秦淮上鎮淮橋東因植桐樹甚繁故名景定志亦作桐林灣

明月灣在句容縣東南三里唐陸龜蒙皮日休皆有詩
黃葉灣在寶華山歡喜嶺下霜後落葉堆積游賞者稱
爲大觀

銀林史作銀樹亦作銀墅在高淳縣東相傳地多產銀
杏故名宋史趙淮傳戍銀樹東壩兵敗與其妾俱被執
不屈死范成大有曉自銀林至東壩詩

烏龍潭在城西青涼山側舊說晉時有烏龍見故名唐
顏真卿置爲放生池潭有上下壩上有放生庵祀顏公
神位按唐書本傳乾元二年詔天下臨江帶郭各置放
生池八十一所顏公所置在秦淮太平橋側

新修江寧府志

卷之八

古蹟

二十二

國朝方望溪侍郎以爲今近潭無橋而元武湖當太平門
外遂謂放生池本在後湖明祖置冊府於湖始移於此
不悟太平門乃明代門號豈可以當唐之太平橋夫魯
公放生池旣臨秦淮而今烏龍潭在清涼山側今爲城
內古爲城外正當古秦淮西北沿石城將入江處則茲
潭謂卽顏公放生池固可信也

總督陳公大受勒有碑記

皇冊庫在太平門外元武湖中明時爲屋數百間以貯
天下戶冊

國初廢

相傳造庫時一老人慮鼠損冊太祖問爾何姓對曰毛太祖曰毛能伏鼠遂活埋之立毛老人廟春

秋祭之

驍騎倉在新橋西明時爲本營儲米處今廢詳見瓦官寺

蟒蛇倉武定橋東稍南抵城處曰周處臺臺下有石觀

音庵庵前爲蟒蛇倉相傳明時倉有蟒害形家於信府

河下軍司巷口諸葛廟前揭木杆末置鐵老鸛以鎮之

其杆用鐵製坎卦形四周圍之今倉廢而鐵鸛尙存

按周

處臺後舊傳有迴光寺卽蕭帝寺寺內有郗氏窟謂梁武郗后化蟒處事見南史及梁皇懺序倉或因此受名而鐵老鸛自爲形家襍火亦未可知

貫城坊邑士劉樹聲康熙中人著聞見雜著云明時三法司及各道御史臺刑部大獄皆在太平門外蓋貫索

星所臨照有牌坊曰貫城其路曰孤悽埂相傳明刑部衙乃沈萬三故居內有牡丹高丈餘開花繁盛甲於金陵

國初廢

武學射圃在上元縣治西北盧妃巷後裕民坊處明洪武初設以教兵家子弟及武臣之幼者領於兵部劉樹聲云國初左角門內有二石一豎一橫謂是賈星後學廢石猶存射圃大街舊有武學額今亦不見
秦淮兩察院劉樹聲云一南一北對峙今北猶存其南者不可見

漢府今駐防城西華門尚衣局本漢府舊址明洪武初封陳友諒子理爲漢王建府西華門外後徙高麗永樂封高煦爲漢王居之後爲織局

九連塘在常府北爲常府園池舊址按開平王府卽今倭緞堂其府西牌樓今名花牌樓明季嗣侯名延齡上章劾馬士英掛冠爲僧種菜湖孰其子孫有湖孰種菜圖

倒鐘廠明時建鼓樓於神策門內岡上地勢最高俗謂之鼓樓岡

國初樓倒今建

新修江寧府志

卷之八

古蹟

二十五

御書碑亭於上舊傳樓上之鼓二十有四冒以象皮後爲人竊取作藥遂盡鼓樓之旁建鐘樓康熙初樓倒鐘墜其旁

別有大鐘二一長幾二丈一橫地俗謂倒鐘廠疑此鐘卽景陽

鐘也又按元時嘗聚銅數萬斤鑄大鐘見趙世延鍾山萬壽寺碑不知於此爲孰是

兩廠明東西兩廠以闍寺爲之稱爲內守備兩廠相連在復成橋東今廢

錢廠本明錢法堂

國朝雍正二年改建鍾山書院

砲廠在錢廠右舊有屋貯鄭成功敗軍刀仗器械雍正七年改建龍王廟移刀仗等器於朝天宮而砲猶存

琉璃窑在南門外西南舊爲芙蓉山與城內鳳皇臺相接洪武時形家言其地有王氣因置七十二窑燒斷氣脉稱爲無用山其窑專燒琉璃以供宮闕之用

國初廢

舊院址在東花園之右一河爲界建長板橋以通行人後橋廢兩旁築石埂名曰石壩園亦曰石壩街今與東園皆成菜圃土人猶稱東花園明初樂戶統於教坊司

有官主之

石壩街東南有樂王廟棟宇數楹上塑冕服者稱爲樂王明時教坊司朔望行禮歲久旣

廢土人誤以爲藥王爭祝禮祈禳疾病此與周處臺同一謬誤也